

Werk

Titel: Erucarum ortus, alimentum et paradoxa metamorphosis
Autor: Merian, Maria Sibylla
Verlag: Oosterwyk
Ort: Amstelædami
Jahr: 1717
Kollektion: Zoologica
Digitalisiert: Niedersächsische Staats- und Universitätsbibliothek Göttingen
Werk Id: PPN476830389
PURL: <http://resolver.sub.uni-goettingen.de/purl?PPN476830389>
OPAC: <http://opac.sub.uni-goettingen.de/DB=1/PPN?PPN=476830389>
LOG Id: LOG_0069
LOG Titel: XII. Sambucus, cum flore albo
LOG Typ: chapter

Terms and Conditions

The Goettingen State and University Library provides access to digitized documents strictly for noncommercial educational, research and private purposes and makes no warranty with regard to their use for other purposes. Some of our collections are protected by copyright. Publication and/or broadcast in any form (including electronic) requires prior written permission from the Goettingen State- and University Library.

Each copy of any part of this document must contain there Terms and Conditions. With the usage of the library's online system to access or download a digitized document you accept the Terms and Conditions.

Reproductions of material on the web site may not be made for or donated to other repositories, nor may be further reproduced without written permission from the Goettingen State- and University Library.

For reproduction requests and permissions, please contact us. If citing materials, please give proper attribution of the source.

Contact

Niedersächsische Staats- und Universitätsbibliothek Göttingen
 Georg-August-Universität Göttingen
 Platz der Göttinger Sieben 1
 37073 Göttingen
 Germany
 Email: gdz@sub.uni-goettingen.de

Ad sinistram viridis, flavo capite eruca conspicitur, ab antè sex ungviculis, octo in medio, & à retrò duobus adhuc pediculis constans, in fine Aprilis flavam texturam parans in viridem punctis nigris variegatam aureliam immutatur, in medio mensis Maii candidus inde papiliunculus erumpit, tam in volando debilis ut ab arbore ad arborem vix aut ne vix quidem transire valeat.

XI. *Lychnis segetum*, & *filigo*.

Hocce super flore in filigine crescente, qualis culmum perreptat, erucam inveni, in principium usquè Junii per me enutrita deposuit exuvias, ac in aureliam fuscā immutabatur, in Decembrem usquè duriuscula & immota jacebat, ubi qualis suprā florem repræsentatur, inde musca prodiit totaliter nigra, partis posticæ medietate exceptâ, quæ subflava perspicuis quatuor alis, translucidisque constabat.

Animalculum hoc infrà spicæ culmum repens in medium usque Junium enutrivit, ubi inter filiginem in spicam irrepebat, & mutabatur in aureliam ex atro rubris punctis variegatam, medio Augusto, scarabæolus inde prodiit; vulgò (Lieven Heers Haantje) nostratibus audiens.

Interjacet autem acarus albus, cujus per dorsum subrubra linea decurrit, tales in mure mortuo circiter quinquaginta reperi, & servavi, paulò post in doliola defigurabantur, ex quolibet autem horum in lucem musca prodiit, qualis infrà viridi folio insidens exhibetur, corpore cæruleo, lineis nigris virgato, oculis rubris, pedibus nigris, alisque duabus colorum varietate coruscantibus instructa.

XII. *Sambucus flore albo*.

Inferiùs ad sinistram è lucido flava viridi folio insidens eruca repræsentatur, per cujus corpus duæ lineæ transversæ nigræ, à retrò autem tres aliæ nigræ per corpus rectè feruntur, dentes habet nigros, ab antè sex ungviculis, in medio octo pedibus constat; fronde viridi hujus arboris vescitur, perfectam consecuta magnitudinem texturam albam conficit, ac

in aureliam è lucido fuscam immutatur , quæ tacta fortiter movetur, inde denique prodit ex albo fusca phalænula , qualis suprâ volitans exhibetur.

Inferius ad dextram erucula fusca medio folio insidens conspicitur, quolibet in membro albis munita pediculis, hæc florem hujus arboris unâ cum folio depascit, residet & in arboribus cydoneis, mensè Majo candidam resplendentemque texturam conficit, & in aureliam immutatur, quatuordecim diebus elapsis, qualis superius unâ repræsentatur, musca nigricans indè prodit.

Arborem albis variegata lineis, eruca viridis perreptat, cujus flos hicce pabulum est, cinerea admodum est; deponens exuvias roseum colorem induit, Augusto texturam parat albam, ac in doliolum fuscum immutatur, ita figurata permanet in annum usque sequentem, Julio musca nigra indè producit, rubros habens oculos, qualis ad sinistram unâ exhibetur.

XIII. *Lappa major.*

ETiamsi valdè sit amara hæc herba, dorsum tamen fuscis. Atrisque maculis conspersum habentis, subtus flavæ muscæ pabulum est, ab antè sex ungviculis, in medio octo pediculis constat, Junio mensè in aureliam hepatici coloris immutatur, Julio phalæna indè prodit, capite, alisque superioribus hepatico pariter colore tinctis, cum fuscis auratisque punctulis, constans, corpus unâ cum alis inferioribus flavum, aureumque colorem refert, sex ungvibus fuscis munitum, vespere volitat.

XIV. *Melilotus lutea.*

INferiores hæ erucæ prægrandes hac herbâ vescuntur, viridi quodam pallido maculis fuscis eleganter signato colore præditæ sex ab antè constant ungviculis, octo in medio, & à retrò duobus adhuc pedibus, quodlibet membrum corporis inferioris maculâ sangvineâ conspersum est; tactæ turbantur admodum, in fine Maii texturam conficiunt albicantem, &